

ქ. გარდაბანი

6 თებერვალი, 2018 წ

შპს "გარდაბნის თბოსადგური", ს/კ 404428071, შემდგომში "შემსყიდველი", გენერალური დირექტორის ლაშა მგელაძის სახით და შპს "სავარძელი" ს/კ 405193348, დირექტორის ქეთევან ზარანდიას სახით შემდგომში "მიმწოდებელი", „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის "ს" ქვეპუნქტის საფუძველზე ვდებთ ხელშეკრულებას შემდეგზე (შემდგომში „ხელშეკრულება“):

**1. ხელშეკრულების საგანი**

1.1. ამ ხელშეკრულების საგანია დანართ №1-ში ჩამოთვლილი საქონლის (შემდგომში - საქონელი) მიწოდება.  
1.2. საქონლის დასახელება, CPV კოდი, მახასიათებლები, რაოდენობა და ფასი ერთეულის მიხედვით მოცემულია ხელშეკრულების დანართ №1-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

**2. მხარეთა უფლება-მოვალეობები**

2.1. "შემსყიდველი" უფლებამოსილია მოთხოვოს "მიმწოდებელს" ნაკისრი ვალდებულების შესრულება.  
2.2. "შემსყიდველი" უზრუნველყოფს ანგარიშსწორებას ხელშეკრულებით გათვალისწინებული პირობებითა და ოდენობით;  
2.3. "მიმწოდებელი" უფლებამოსილია, მოთხოვოს "შემსყიდველს" ნაკისრი ვალდებულების შესრულება.  
2.4. „მიმწოდებელი“ ვალდებულია შეასრულოს მასზე ხელშეკრულებით დაკისრებული ვალდებულებები.

**3. "საქონლის" მიწოდების და მიღება-ჩაბარების პირობები**

3.1. მიმწოდებელი საქონლის მიწოდებას განახორციელებს 13 თებერვლის ჩათვლით.  
3.2. საქონლის ტრანსპორტირებას უზრუნველყოფს შემსყიდველი.  
3.3. შემსყიდველი უფლებამოსილია უარი განაცხადოს უხარისხო საქონლის მიღებაზე.

**4. "საქონლის" ხარისხი**

4.1. „მიმწოდებელი“ იღებს ვალდებულებას, რომ საქონლის ხარისხი შეესაბამება ხელშეკრულებით შეთანხმებულ ხარისხს, ტექნიკურ მაჩვენებლებს და დადგენილ სტანდარტებს.

**5. ხელშეკრულების ფასი და ანგარიშსწორება**

5.1. საქონლის მთლიანი ღირებულებაა 1,950 (ათას ცხრაას ორმოცდაათი) ლარი დღგ-ს ჩათვლით.  
5.2. ანგარიშსწორებისათვის მიმწოდებელმა უნდა წარმოადგინოს დადასტურებული ანგარიშ-ფაქტურა.  
5.3. ანგარიშსწორება წარმოებს 5.2. პუნქტით გათვალისწინებული დოკუმენტის მოწოდებიდან 10 (ათი) სამუშაო დღის ვადაში.

**6. გარანტია, პასუხისმგებლობა და ხელშეკრულების პირობების შეუსრულებლობა**

6.1. მიმწოდებელი იძლევა გარანტიას, რომ მის მიერ მიწოდებულ საქონელს არ გააჩნია ნაკლი.  
6.1.1. საგარანტიო პერიოდში ნაკლის არსებობისას, მიმწოდებელი თავისი ხარჯითა და პასუხისმგებლობით უზრუნველყოფს მის აღმოფხვრას შემსყიდველის მიერ ნაკლის გამოვლენის თაობაზე მიმწოდებლისათვის გაგზავნილი წერილობითი შეტყობინების მიღებიდან არაუგვიანეს სამი სამუშაო დღისა. ნაკლის აღმოფხვრა უნდა მოხდეს საქონლის ახლით შეცვლით.

6.1.2. თუ მიმწოდებელი ვერ უზრუნველყოფს ნაკლის აღმოფხვრას, შემსყიდველს უფლება აქვს დააკისროს მიმწოდებელს ნაკლიანი საქონლის ღირებულების ოდენობის პირგასამტეხლოს გადახდა, რაც მიმწოდებელმა შემსყიდველის მიერ მიმწოდებლისათვის პირგასამტეხლოს დაკისრების თაობაზე წერილობითი შეტყობინების მიღებიდან არაუგვიანეს ორი კალენდარული დღისა უნდა გადაიხადოს.

6.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას ხელშეკრულებისა და მოქმედი კანონმდებლობით დადგენილი წესის შესაბამისად.

6.3. ნაკლიანი საქონლის მიწოდების შედეგად ნებისმიერი ზიანის ანაზღაურება ეკისრება მიმწოდებელს.

6.4. მხარეს შეუძლია მოითხოვოს მეორე მხარის მიერ მისთვის მიყენებული ზიანის ანაზღაურება.

6.5. საქონლის მოწოდების დაყოვნებისას მიმწოდებელი ვალდებულია გადაუხადოს შემსყიდველს პირგასამტეხლო ყოველ ვადაგადაცილებულ კალენდარულ დღეზე მისაწოდებელი საქონლის ღირებულების 0,1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

6.6. შემსყიდველის მიერ ანგარიშსწორების ვადის გადაცილებისას მიმწოდებელს უფლება აქვს დააკისროს შემსყიდველს პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0,1%-ის ოდენობით.

6.7. მიმწოდებლის მიერ პირგასამტეხლოს გადახდა, საქართველოს სამოქალაქო კოდექსით გათვალისწინებული შემთხვევების გარდა, არ ათავისუფლებს მას ხელშეკრულებით ნაკისრი ვალდებულებების შესრულების მოვალეობისაგან.

**7. მხარეთა პასუხისმგებლობისგან გათავისუფლება**

7.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის, თუ აღნიშნული გამოწვეულია ფორს-მაჟორული გარემოებით (მიწისძვრა, წყალდიდობა, სახელმწიფო გადატრიალება და სხვა გარემოება, რომელიც არ არის დამოკიდებული მხარეებზე და ითვლება ფორს მაჟორულ გარემოებად).

7.2. მხარემ, რომელსაც შეეძენა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი აღმოფხვრის სავარაუდო ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

7.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

7.4. მხარეები ანახლებენ ვალდებულებების შესრულებას ფორს-მაჟორული გარემოების აღმოფხვრისთანავე.

**8. ხელშეკრულების ინსპექტირების პირობები**

8.1. "შემსყიდველს" უფლება აქვს განახორციელოს "საქონლის" ინსპექტირება და/ან გამოცადოს საქონელი.





8.2. "მიმწოდებლის" მიერ ხელშეკრულებისა და მისი დანართ(ებ)ის შესრულებაზე კონტროლს ახორციელებს "შემსყიდველის" მიერ შექმნილი ინსპექტირების ჯგუფი, რომლის ფუნქციაა საქონლის მოცულობის, ხარისხისა და ვადების ხელშეკრულების მოთხოვნებთან შესაბამისობის დადგენის მიზნით ზედამხედველობის განხორციელება.

**9. ხელშეკრულებაში ცვლილებების შეტანა**

9.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

9.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის უარესდება მისი პირობები, გარდა სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომისას დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

**10. ხელშეკრულების ძალაში შესვლა და მოქმედების ვადა**

10.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2018წ 15 მარტის ჩათვლით.

10.2. ხელშეკრულების შესაბამისი მუხლები ძალაში რჩება მხარეთა მიერ ნაკისრი ვალდებულებების სრულ ამოწურვამდე.

**11. ხელშეკრულების შეწყვეტა**

11.1. მხარეებს შეუძლიათ ორმხრივად შეწყვიტონ ხელშეკრულება მისი მოქმედების ნებისმიერ ეტაპზე.

11.2. მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

ა. რომელიმე მხარემ დაარღვია ამ ხელშეკრულების პირობა და არ/ვერ აღმოფხვრა აღნიშნული მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში მითითებულ ვადაში.

ბ. ხელშეკრულების ერთ-ერთი მხარე სისტემატიურად არღვევს ხელშეკრულების პირობებს;

გ. სსკ 398-ე მუხლით გათვალისწინებულ შემთხვევაში.

**12. დავების გადაწყვეტა, მარეგულირებელი სამართალი**

12.1 მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

12.2 შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.

12.3 ხელშეკრულება დადებულია და ინტერპრეტირებული იქნება საქართველოს კანონმდებლობის მიხედვით.

**13. დასკვნითი დებულებები**

13.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

13.2 ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

13.3. ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.

13.4 ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

მხარეთა რეკვიზიტები და ხელმოწერები

<p>შემსყიდველი: შპს "გარდაბნის თბოსადგური" მის: ქ.გარდაბანი, დავით აღმაშენებლის 28 ს/კ: 404428071 ტელ 299 1201, 555 254747</p> <p>გენერალური დირექტორი</p>	<p>მიმწოდებელი შპს „სავარძელი“ მის: ქ.თბილისი, კაზა შევარდნაძის ქ. N9 ს/კ 405193348 ბანკი: სს „პრორედიტ ბანკი“ ბ/კ: MIBGGE22 აა: GE66PC 0443600100006627 დირექტორი</p>
--	--



ქ.ზარანდია

ხელშეკრულება № 10-060218-01  
ფასების ცხრილი

დანართი №1

№	CPV	საქონლის დასახელება	საქონლის აღწერილობა	ერთეული	რაოდენობა	ერთეული ფასი	ღირებულება
1	39113100	სავარძელი	მბრუნავი,გორგოლაჭებზე	ცალი	13	150	1950

სულ: 1,950ლარი (დღგ-ს ჩათვლით)

“მიმწოდებელი”

შპს „სავარძელი“  
ს/კ 405193348



დირექტორი  კ.ზარანდია





ხელწერილი  
ინტერესთა კონფლიქტის არარსებობის შესახებ

ქ. გარდაბანი, 06.02.20

ხელშეკრულება № 10-060218-01  
მიმწოდებელი - შპს "სავარძელი"

ჩვენ, ქვემოთ ხელის მომწერნი, წინამდებარე ხელწერილით ვადასტურებთ, რომ გავეცანით ხელშეკრულების პირობებს ვეთანხმებით (ჩვენი კომპეტენციის ფარგლებში).

ასევე ვადასტურებთ, რომ აღნიშნულ შესყიდვაში ჩვენი მონაწილეობა არ ეწინააღმდეგება "სახელმწიფო შესყიდვებზე შესახებ" საქართველოს კანონის მე-8 მუხლის მოთხოვნებს და ინტერესთა კონფლიქტში არ ვიმყოფები.

 გიორგი თალაკვაძე  
 ვაჟა კახნიანი  
 მამია შავაჯიძე  
 თ. მინდიაშვილი